



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Sermo I. Amator veræ Sapientiæ, & Virtutis Christianæ studiosus, sit
oportet Architectus. Ædifice alterutrum, sicut & facitis. Ad
Thessalonicens. V. II.

[urn:nbn:de:hbz:466:1-46065](#)

OPVSCVLVM I.
ARCHITECTVS
CHRISTIANVS

Sacer. Spiritualis. Mysticus.
Tropologicus.

S E R M O I.

Amator veræ Sapientiæ & Virtutis Christianæ
studiosus sit oportet

A R C H I T E C T V S.

AEdificate alterutrum, sicut & facitis.

Ad Thessal. v. II.

A R T I C V L V S I.
TITVLVS ARCHITECTI

Qui conuenit omnibus Christianis, sed signatè Concionatoribus,
sancitur formulis loquutionum sacrarum Christi
& Apostolorum.

Academici Christiani.



MATOR veræ Sapientiæ, & virtutis Christianæ studiosus ac cultor, ad quem sermones nostri diriguntur in hac Adolescentum Virorumque Academicorum exedrâ, cùm minimè contentus aridâ quadam,

ARCHITECTVS CHRISTIANVS. 7

dam, sterilique rerum variarum cognitione, fructuosa aliâ, & in opus prodeunte scientiâ excellere debeat: in hac autem principem facilè locum habeat **AEDIFICATORIA**, seu **ARCHITECTURA**; hanc, sed vulgari illâ multo nobiliorem, nec generis humani Domino indignam debet imprimis excolere. **ARCHITECTVS** itaque sit oportet, sed **CHRISTIANVS** ille **ACADEMICVS**, quem, & *Grammaticum & Philosophum, & Medicum, & Iurisconsultum, & Militem, & vniuersitatem, Artificem* Christianum, non nominari solùm, sed etiam esse debere, diuersis dissertationibus, & libris demonstrauimus. Quàm verè autem Titulus iste Sapientiæ Amatori conveniat, illæ imprimis ostendunt loquutionum formulæ, quibus veræ Sapientiæ Magister suos Auditores, & Discipulos structori comparare, vel ipsorum motiones, actionesque ad Architectonicæ normam consueuit exigere: quales passim in Diuino volume occurrunt.

CHRISTVS imprimis Auditorem, factoremque verborum suorum, dicit similem Viro Sapienti, qui ædificauit domum suam supra petram: audientem autem, & non operantem stulto ædificanti super arenam. Matth. vii. 24. & Luc. vi. 48. Itaque utrumq; insinuat esse Architectum; illum bonum, hunc malū. Alio tempore & loco, ad perfectionem virtutum Evangelicam, eiusq; apicem præproperè temereque contendentem, abique maturâ deliberatione, ac præparatione debita, confert cum homine volente turrim ædificare, nec prius impendiorum, sumptuumque rationes ineunte: cui deinde dicatur: *Hic homo capit ædificare, & non potuit consummare* Lucæ xiv. 30. Cùm de profectu in fide ac virtutum studio differeret Lucas Historicus in Actibus Apostolicis, compendio multa includens, cap. ix. aiebat: *Ecclesia per totam Iudaam & Galileam & Samariam habebat*

bebat pacem, & AEDIFICABATVR, ambulans in timore Domini, & consolatione Sancti Spiritus replebatur. Vbi Aedificandi verbum, Græcè, ἐκοδομώμενον, architectonicum, significat, tum spirituale quoddam incrementum, ex mutuâ doctrina atque exemplis, tanquam lapidibus, tum propagationem externam: quomodo Ecclesia rectè tunc dici potuit aedificari. Istiusmodi Aedificandi metaphoræ sunt frequentes apud Paulum Apostolum, qui ijs delectatus videtur: & sumit illas, tum in bonam, tum in malam partem, sicut Aedificatores sunt boni & mali, Architecti Sapientes & insipientes, structores periti & imperiti.

Epistola i, ad Corinthios cap. viii. 1. Scientia, inquit Apostolus, inflat, Caritas vero aedificat. Quod quidem commode referri potest ad illos, in quibus est Caritas, tanquam Ars architectonica in Artifice. Est autem in eo antithesis, quod scientia, quatenus Caritate destituitur, tumorem pariat, hominum vitio, qui Sapientia abutuntur sua, ut scientiam suam aestimant: Caritas vero vitam adferat, ut loquitur Irenæus, lib. 11, c. 45. & solidum quidpiam ac stabile largiatur, dum nimirum Aedificium spirituale extruit. Igitur qui Caritatem habet, est Architectus spiritualis. Præterea, referri potest idem ad proximos, quos Caritas erudit, & Christianis præceptis informat, quodque inde consequitur, ad religionis ac pietatis studium inflammat; quod est Aedificare; cum ex sola scientia oriatur tumor, aliorumque, & maxime, parvorum, & rudium contemptus, quod illorum salus vel negligitur, vel, quod est multo deterius, contemnitur, ut monet Pauli Interpres egregius Benedictus Iustinianus. Eadem in Epistolâ & capite, Apostolus ita scribit: Si quis viderit eum, qui habet scientiam in idolo recumbentem, nonne conscientia eius, cum sit infirma, Aedificabitur ad manducandum idolothysas: Vbi vocabu-

tabulum architectonicum, ædificabitur, οἰκοδομηθεται.
necessariò in malam partem accipitur, cùm significet,
ad scelus provocari istud cernentem, & quodam-
modo falsa opinione imbui, quod fas sit Christianis
liberè vesci ijs, quæ falsis Dijs immolantur.

ARTICVLVS II.

ARCHITECTVS

*Prophetæ, Ecclesiastes, Catechista, Linguis loquens,
Doctor fidelium.*

QVI prophetat, inquit Paulus Apostolus, 1. Corinth. XIV. 4. hominibus loquitur ad ÆDIFICATIONEM, id est, quæ auditores promoueant in cognitione & studio pietatis: & exhortationem, & consolationem. Qui loquitur lingua, semetipsum ÆDIFICAT; hoc est, sibi prodest. **Q**ui autem prophetat, Ecclesiam Dei ÆDIFICAT, id est, fidelium multititudini singularem eximiamque; adfert utilitatem. Volo autem omnes vos loqui linguis, magis autem prophetare. Nam maior est, qui prophetat, quam qui loquitur linguis, nisi forte interpretetur, ut Ecclesia Ædificationem accipiat, id est, inde capiat emolumentum in fide, & morum honestate, seu disciplinâ religionis Christianæ. Hisce verbis varios designat Paulus Apostolus Architectos Christianos. Et primus inter eos nominatur, qui prophetat: is enim hominibus loquitur ad ædificationem. Non intelligitur autem Prophetæ nomine is, qui futura prædictit, vel abdita, occultaque patefacit, ut communiter accipi solet istud vocabulum; sed qui docet, ac Diuina mysteria explicat; qualis est Doctor Theologiarum in cathedrâ, Ecclesiastes in suggestu, Catechista in agro, velforo. Hi enim, ex observatione Diuorum Ambrosij & Anselmi, Apostoli mentem explicantium,

A 5

anae

analogiam retinent Prophetarum. Siquidem ut Prophetarum futura, quæ ignorantur, prædicit : ita Magister mysteriorum Euangelicorum, quæ auditoribus suis ignota erant, in lucem profert, ut dicere possit illud Ecclesiastici cap. xxiv. 46. *Doctrinam quasi prophetiam effundam, & relinquam illam quærentibus Sapientiam.* Illorum autem quilibet loquitur hominibus ad ædificationem; siue, ut est in Graeco, *λαλεῖ οὐχοδουλῶν*, loquitur ædificationem. Deus bone! quæm est ille peritus & sapiens Architectus, qui quidquid loquitur, est **ÆDIFICATIO?** Nimirum, nihil loquitur, quod non spectet conducaturque ad **Ædificationem**, id est, doctrinam sacram, & morum informationem. Et quoniam Doctoris Christiani doctrina ad proxim & mores in concionibus & catecheticis instructionibus referenda est, adiungit **Adhortationem**, & denique **Consolationem**. Siquidem Adhortatio animum addit ad arduam virtutis viam capessendam: Consolatio spem iniicit, & animos, ut loquitur S. Ambrosius, firmat, ac prouocat, ad expectanda meliora.

Hæc si faciat Euangelicus Doctor, omnes Architecti Christiani partes egregiè explebit. Nam & docebit, quæ ad bene beateque viuendum valent: quod est fidei fundamentum ponere, & præceptis moralibus, tanquam lapidibus, parietes erigere: tum verò accommodata adhortatione, suauique consolatione, ne auditores rerum difficultate perterriti, diffidant, & proficiendi animum abiijcant, te^{ctum} imponet.

ALTER, quem Architecti titulo dēcorat Apostolus, est *Quilinguā loquitur*: ille scilicet, qui dono linguarum prædictus cùm sit, ita peregrinā linguā loquitur, ut intellegat ipse quæ dicit, alijs tamen interpretari aut expōnere non possit: is enim sibi quodammodo Architectus est: nam seipsum ædificat: loquitur enim ea, quæ ad D[omi]n[u]m glo-

gloriam, & propriam utilitatem pertinent. Hoc antea quoque dixerat Apostolus : *Qui loquitur lingua, non hominibus loquitur, sed Deo.* Siquidem ita cum Deo sermonem habet, ut & illum laudet, & ipse inde proficiat in doctrinâ & virtute; melior euadens & doctior. Et inferius linguarum dono vtentem alloquens, dicit: *Tu quidem bene gratias agis sed alter non ÆDIFICATVR :* hoc est, ignarus idiomatis peregrini, non percipit utilitatem.

At vero, Propheta, cuius munus superius indicaimus, qui prophetat, siue Scripturam sacram interpretando & explicando, siue rudes instruendo, siue quolibet exhortando, monendo, consolando, ÆDIFICAT ECCLESIAM, nempe, vniuersum populum, qui probè intelligit, quæ Ecclesiastes loquitur. Ob quam çausam hoc prophetandi officium Apostolus ceteris anteponit.

Sed bene monet, Apostoli sensum penetrans, eius interpres Benedictus Iustinianus, non esse aut sui, aut proximorum Architectos, diuini Verbi præcones illos, qui abstrusa quædam coram mulierculis, & imperita multitudine detonare solent, qui ne ipsi quidem, qui loquuntur, satis intelligunt, tantum abest, vt commodè, & ad tenuiorum captum accommodatè explicare queant, cum tamen, omnis eorum oratio ad Ecclesiæ ÆDIFICATIONEM referenda esset.

ADDIT autem Apostolus: *Si quis lingua loquitur, interpretetur suum sermonem: nimirum, vt sic totius Ecclesiæ fiat Architectus:* nam ita Ecclesia Ædificationem accipiet. Contra quæ faciunt, inquit laudatus antea Auctor, qui in popularibus, multa Latinè, nonnulla etiâ Græce, & si Deo placet, etiam Hebraice, atque Syriacè, absque interpretatione (nam nec ipsi intelligunt) inculcant: que nihil habent præter inanem ostentationem. Sapienter.

S. Am-

S. Ambrosius in 1. ad Corin. 14. Si vtique ad Aedificandam Ecclesiam convenitis, ea debent dici, quae intelligant audiētes. Nam quid prodest, ut quis lingua loquatur, quam solus scit, & qui audit nihil proficiat. Ideo tacere debet in Ecclesia, ut si loquantur, qui profundunt audientibus. Praeclarus S. Augustinus libro de bono perseverantiae cap. 16. scribit, facile esse, immo & utile ut taceatur aliquando verum aliquod propter incapaces. Ita est, & praeivit exemplo Dominus, qui testatus legitur Joannis XVI. Adhuc multa habeo vobis dicere, sed non potestis portare modum. Sequutus est Apostolus scribens Corinthis 1. Corinth. 111. 1. Non potui vobis loqui quasi spiritualibus, sed quasi carnalibus: quasi parvulis in Christo lac vobis potum dedi: nondum enim poteratis; sed nec adhuc quidem potestis. Subdit Augustinus, quod notet Concionator, si velit officio fungi Architecti: Caussas verum tacendi multas esse, non postremam autem istam: ne peiores faciamuseos, qui non intelligunt, dum volumus eos, qui intelligunt facere doctiores; qui nobis aliquid tacentibus doctiores quidem non fiunt, sed nec peiores fiunt. Nam peiores faciendo semper destruimus: doctiores faciendo non semper aedificamus. Est autem Architecti Christiani in concionibus semper spectare aedificationem.

ARTICVLVS III.

ARCHITECTVS

Deus, Apostolus, Vir Apostolicus.

DEIS sumus, inquit Doctor Gentium, Adiutores. Dei Aedificatio estis 1. Corin. 3.9. Quibus verbis innuit, Deum esse Architectum primarium, cui operas locent aliqui, ut minus primarij, Architecti tamen & ipsi: nempe Apostoli, & verbi Diuini Ministri alij Viri A-
posto-

postolici, quos appellat in Architectonicâ *Adiutores Dei*, Græcè est, *εὐνέγος*, cooperatores. Vnde sibi, suiqne similibus Architecti titulum competere gloriatur Apostolus dum subiungit: *Secundum gratiam Dei, quæ data est mihi, ut SAPIENS ARCHITECTVS fundamentum posui: alius autem SVPERÆDIFICAT.* Quæ significant Apostolos, & qui Apostolorum munere funguntur, esse in Ecclesiâ Christi, sicut in Republicâ sunt Architecti, ad ædificandum arte instructi, & ad id destinati. Inter quos Paulus nomen profitetur suum. Quippe, qui ut alibi loquitur, acceperit à Deo Principe Architecto potestatem in *ÆDIFICATIONEM*, & non in *destructionem*: 2. Corinth. XIII, 10 id est, ut pro sit Ecclesiam, seu fideles ædificando, non ut ob sit, lædendo. Ex quo deducit S. Chrysostomus, zelosissimus Antistes, illos, qui præsunt in Ecclesiâ, Episcopos, Curiones, Rectores animarum, & quoslibet alios curam aliorum habentes, potestatem accepisse ad *Ædificationem*; cui, si quis, ex fidei suæ commissis obstat, ac relugetetur, qui alia ratione curari non possit, tum demum assumendum esse pedum pastorale, ac seuerè agendum, multandum que istiusmodi refractarium. At, hoc est, obesse, lædendo: nequaquam. Siquidem hoc ipsum, ut monet Chrysostomus, est *Ædificare*: nimicum, quod Architectura præscribit: impedimenta de medio tollere, ut ædificium exsurgat felicius & cele rius.

ITAQVE Ecclesiæ Præfides, eorumque adiutores industrij, sensu Pauli Apostoli, sunt *Architecti Christiani*. Quòd sibi persuadebat in Architectura profana æquæ ac sacrâ nobilis Joannes Baptista Villalpandus, qui in Epistola dedicatoria, quâ Philippo Regi Catholico Tem pli Ierosolomitani structuram à se commentationibus sacris illustratam, vastum opus consecrat, ita Principem allo-

» alloquitur. Tu ad remotissimas illas, barbarasque
 » gentes quot annis, tum alios multos, genere, do-
 »ctrinâ pietate præstantes, tum è nostrâ Societate tui
 » studiosissima, complures mittendos, tanquam Fa-
 » bros & ARCHITECTOS, curas, qui sinceræ fidei,
 » ac Religionis Catholicæ, siue fundamenta iaciant,
 » siue opusiam inchoatum ab alijs, DEI ope freti, pro-
 » moueant, atque perficiant. Quapropter eo etiam
 » magis videri debes Salomoni præstare, quo maior
 » est huius posterioris DEI Domus gloria, quam prio-
 » ris fuit

ARTICVLVS IV.

ARCHITECTVS

Quilibet homo Christianus.

HOc Pauli Apostoli, vel est votum, vel pronuncia-
 tum. Is enim, quod alio fine dixit Corinthijs: *Volo omnes vos esse, sicut me ipsum* (1. ad Corinth. vii. 7.) insi-
 nuat se optare in re architectonicâ ad Ædificationem.
 Nam scribens ijsdem adfirmabat, omnia se facere pro-
 pter Ædificationem ipsorum. 2. ad. Corinth. XII. 19. Quod
 quidem S. Ambrosius refert ad Pauli institutum illud,
 quo nihil ab auditoribus accipere decreuerat; ut vel sic,
 ait, amorem illorum circa se promoueret. non gravan-
 do eos, quod fieri solet, necessiorum postulatione: &
 non diminuendo auctoritatem potestatis in arguendo,
 quod facile fit, accipiendo quidpiam ab ijs, quos necel-
 le est arguere. Et idem videtur significare, Apostoli
 sensum excutiens S. Chrysostomius: qui illud etiam ob-
 seruat, voluisse illum mitigare sententiae suæ severita-
 tem: nam dixerat, se nihil accipere propter ipsorum
 imbecillitatem: quod quodammodo emendat, dicens,

vt Aedificemini. Nihilominus magis vniuersaliter accipi potest Apostoli adfirmatio illa de *Aedificatione*,, vt non solūm peculiarem illam actionem denotet, sed totius vitæ tenorem comprehendat, hoc sensu: quicquid dico, ago, molior, facio ad *Aedificationem*, id est, vestrum profectum perfectionem, utilitatē spiritualem. Hortatur autem vt idem omnes faciant, id est, sint *Architecti*, quemadmodū ipse erat, Sapientes, 1. Cor. 14.26. *Vnusquisque*, inquit, *vestrum psalmum habet, doctrinam habet, apocalypsim habet linguam habet: interpretationem habet: Omnia ad AEDIFICATIONEM fiant.* Quasi dicat, quocumque munere fungamini, ostendite vos esse peritos *Aedificatores*, & omnia ad Ecclesiæ emolumentum referte; vt in ea mali conuertantur, imperiti proficiant, boni meliores fiant, quod est omnes *Aedificare*, & ex ijs tanquam viuis lapidibus Ecclesiam. Ita quoque Petrus Apostolus, postquam dixisset, Epist. 1. cap. 2.5. *Christum esse Lapidem viuum, ab hominibus quidem reprobatum, à DEO autem electum & honorificatum, subdit, & ipsi, tanquam lapides viui, Superadificamini Domus spiritualis.*

Huc spectant illa, quæ omnibus dicta sunt: *Consolamini invicem, & AEDIFICATE ALTERUTRVM, sicut & facitis.* Quod scribit Paulus Tessalonicensibus Epist. 1.5. quos commendat simulque hortatur, vt singuli singulos excitent, & ad optima quæque promoueant: ad orationis instantiam, ad Sacramentorum frequentationem, ad castimoniam, sine quâ nemo videbit *Deum*, ad sobrietatem, ad demissionem Christianam, ad rerum humanarum despicientiam, amoremque diuinorum & cælestium; ad mandatorum *Dei* observationem, Consiliorum Christi susceptionem, virtutum omnium exercitationem: ad honorem exhibendum superioribus, humanitatem proximis, affabilitatem Sodalibus. Hoc est *Aedificare*: quod non solūm doctrina-

nam, sed exemplum etiam & omnem modum, quo ad virtutis cultum, & ad maiora quis promovetur, comprehendit. Eadem phrasē vtitur Apostolus, dum moneret Romanos ad mutuam concordiam conservandam prodesse animorum consociationem, suadetque ~~exodus~~, ~~Ædificationem.~~ Quæ pacis (inquit) sunt, sectemur, & quæ ~~Ædificationis~~ sunt in iuicem custodiamus. Roman. xiv. 39. id est, quibus proficiamus, & vltro citrōque ad virtutis studium promoteamur. Et alibi scribens ad eosdem: *Vnusquisque proximo suo placeat in bonum ad Ædificationem.* Rom. xv. 2. Quomodo ad ædificationem? nempe, verbo & exemplo adferens spiritualem aliquam utilitatem. Non placeat vt laqueum sibi illique tendat in interitum: non placeat, vt occasionem peccandi illi offerat: non placeat in destructionem, vt sit scandalo, vt in malo confirmet, vt perdat, quem lucratii oportuit, sed in bonum, ad Ædificationem. Simpli- citer placere hominibus Christianus nemo debet, cum sit scriptum. *Qui hominibus placent, confusi sunt quoniam Deus spreuit eos,* Psal. lii. 6. placere autem oportet in bonum, ad Ædificationem. Quo insinuatur etiam, proximo non quæcunque bona quomodo cunque optanda esse, sed quæ valeant ad gratiam & gloriam consequendam: hoc est, ad Ædificationem. Ad quod non est satis, vt obseruat ibi Theophylactus, proximo pla- cere in bonum quomodo cunque, sed oportet, vt apta congruentique ratione, opportuno item tempore, stu- deamus illi prodesse, & nullo modo obesse in rebus ad æternam salutem spectantibus.

QVONIAM autem Architecti Christiani est, ita ad opus suum, quod est *Ædificare*, attentum esse, vt ab ijs abstineat, quæ impedimento esse possunt; hinc quicquid ad Ædificationem non spectat, illi omittendum est, quale quale tandem illud sit. Hoc erat Pauli de- cretum

cretum ac dogma, quod exemplo omnibus persuadere conabatur, saepe illud habens in ore, cum abstinaret ab alio: *Omnia mihi licent, sed non omnia expediunt*, i. ad Corinth. vi. *Omnia mihi licent, sed non omnia ædificant*. i. ad Corint. x. Quibus ut notauit S. Chrysostomus, monebat spectandum esse, utrum ea, quæ alioqui licent, expediant, & ædificant: expediant ipsis, qui agit: ædificant proximos. Quæ nimis ipse spectabat semper, verbo & exemplo docens, à licitis interdum abstinendum esse, ut saluti proximorum, & ædificationi cōsulatur. Sunt enim non pauca, quæ si per se spectentur, ut à singularibus conditionibus avulsa, nihil habent, unde reprehendi possint, adiuncta tamen conditione illa, *Quod non ædificant, ne licite quidem possunt fieri*. Praclarum pro Architectis Christianis documentum, & ad actionem revocandum. *Quod si fieret ab omnibus semper, nulla orirentur in populo Christiano scandala*. Licet tibi interdum hilarius agere, facetè quidpiam in aliorum consortio proferre, lepores graibus dictis immiscere: licet post morbum, genio paullulum indulgere: licet ob valetudinem conseruandam lautius & sumptuosius vicitare. Sed animadvertis, exemplo te tuo, multis exorbitandi occasionem daturum. Si Paulum, sapientem Architectum imitari volueris, abstinebis, & dices: *Omnia mihi licent, sed non omnia ædificant*. Cùm te heri ego vidi, clara luce, spectantibus socijs, per plateam illam volitantem, quam omnes sciunt non nisi à lasciuientibus obsideri: cùm haud ita pridem, in frequentissima virbis regione, longos cum extranea sermones miscere, & cachinnari conspicerem, & mecum admirabundi plures alij, non absque scandalo à te dato, si Architectonicam Christianam didicisses, venisset tibi in mentem Magistri effatum: *Omnia mihi licent, sed non omnia ædificant*. Verè non ædificant, Ad-

Primapars

B

lescen-

lescentes mei, longæ cum mulieribus in proposito sermocinationes, titus, mimicæ gesticulationes. Non ædificant curiosi in templo oculorum iactus, corporum in subiecta scamna mollis, & desidiosa nimis prostratio, unius poplitis in terram inclinatio: multo minus, fabulae, immodestia, circumcursatio. Non ædificant, ab Amatore Sapientiae, & virtutis studio, ut haberi vis, proleta verba scurrilia, vana, ociosa: multo minus, in honesta, prætextata, fescennina, fæda, Christianis auribus indigna. Quæso vos, ad Architectonicum illum Canonem actiones alioqui non malas exigite: *Omnia mihi licent, sed non omnia ædificant:* & quæcumque agitis, ad Ædificationem à vobis fiant: ut loquitur Paulus Apostolus.

Quod acceperat hanc metaphoram à Petro, alijsque Apostolis, & hi à Magistro suo Christo, qui primus illam usurpauit, dám apud Matthæum dixit: *Tu es Petrus, & super hanc petram ædificabo Ecclesiam meam.* (Matth. xvi. 18.) Hinc factum, ut voces, *Ædificandi*, & *Ædificationis*, usū Ecclesiastico significant spirituale quoddam incrementum, ex doctrina, exemplo, mutuisque adhortationibus. Sic lèpe occurrit apud spiritualium rerum Scriptores: *Verbum Ædificationis*: dare bonam ædificationem, esse hominem *Ædificationis* vel *Ædificativum*, quæ significant virtute præditum, cultorem perfectionis disciplinæ Christianæ, denique *Architectum*, divinæ cuiusdam fabricæ, quæ doctrina sana bonisque exemplis construitur. Quare horum æquè ac illius habita est semper magna ratio à Viris Religiosis, qui maximè profitentur *Ædificationem Spiritualem*. Et quidem S. Ignatius, nostræ fundator Domus, ut narrat Nicolaus Orlandinus in historia Societatis, lib. xvi. n. 121. idcirco, non modò voluit à suis seruari diligenter certa modestiæ exterioris præcepta

cepta, sed etiam in suscipiendis diuini servitii caussis circumspectionem requirebat maximam, quod hoc exigat *Ædificatio proximi*. Dicebat idem, in Societate hominum genera duo esse: vnum eorum, qui extruerent solùm, alterum eorum, qui inter extruendum simul destruerent. Primum sibi genus probari: & hos esse, qui studio atque Zelo vruntur considerato, prouidentes, ne quam damni caussam non modo re, sed ne specie quidem dent, ne ve ij offendantur, qui si adversarii fiant, possunt nostrum in divino obsequio, & salutis publicæ studio impedire cursum. Atque adeò quædam, quæ recte alioqui fierent, omittenda censebat, non damni privati formidine, sed operum respectu potiorū: quia sè penumero dum parum cautè aliquid attētatur, nec illud efficitur, & mox multis aliis officitur. Ex quibus facile constat, Sapientiæ Christianæ Amorem, debere esse peritum cœlestis cujusdam ARCHITECTVRÆ, qua omnia eius studia dirigantur. Nam vt verè dixit Doctor Bonaventura: (*Opusc. de Reductione Artium ad Theologiam*) *Fructus omnium scientiarum est, vt in omnibus ÆDIFICETVR fides, honorificetur Deus, compenantur mores, hauriantur consolationes, quæ sunt in unione Sponsi & Sponsæ.*

408 (o) 90

8

B 2

SERMO II.